




Mkahawa huzaa matunda
yaliyo na mbegu ndani.

Mbegu hizo ni kahawa.






Kuna hekaya nyingi kuhusu jinsi kahawa ilivyogunduliwa. Mojawapo inamhusu Kaldi, raia wa Ethiopia.



Kaldi alikuwa mchungaji
nchini Ethiopia.



Inasemekana kuwa siku moja mbuzi wake waliyala matunda ya rangi nyekundu kutoka mti wa kahawa.


Baadaye, Kaldi alishuhudia mbuzi hao wakirukaruka kwa uchangamfu usiokuwa wa kawaida.




Kaldi alikuwa na hamu kubwa ya kutaka kujua ikiwa matunda yale yaliwapa mbuzi wake nguvu fulani.



Alionja ladha yake chungu alipoyatavuna. Baadaye, Kaldi alikuwa macho. Yeye pia alihisi nguvu fulani mpya.



Alichuma baadhi ya majani
na yale matunda.




Aliyapeleka nyumbani na kumpatia mkewe.




Mkewe alipoyatavuna yale matunda, naye pia aliathirika kama Kaldi. Alikuwa macho na kuhisi nguvu ya kipekee.



Kaldi na mkewe waliamini
kuwa matunda yale
yalikuwa zawadi kutoka kwa
Mungu.




Siku chache baadaye, Kaldi aliwapelekea watawa matunda yale na majani yake.



Aliwahadithia jinsi mbuzi
wake walivyoathirika
walipoyala matunda yale.





Alipoondoka, watawa wawili
walimfuata kisirisiri
wakitaka kujua ikiwa ilikuwa
ukweli.



Walihakikisha walipowaona mbuzi wakichangamka na kucheza baada ya kuyala yale matunda.




Watawa walirudi nyumbani
na kuyachemsha yale
matunda ya kahawa.



Walipoyanywa maji yaliyochemka, ladha yake ilikuwa chungu sana!
Walidhani kuwa kilikuwa kinywaji cha shetani.



Waliyatupa matunda
yaliyobaki kwenye moto.
Yalipochomeka, walinusu
harufu yake nzuri.



Walipata wazo la kuzikaanga zile mbegu kwanza kabla ya kuzichemsha.



Kinywaji kilichotoka kwenye mbegu zilizokaangwa kilikuwa na ladha nzuri zaidi. Baada ya watawa kunywa kinywaji kile, walikuwa macho na wenye nguvu.

Tangu wakati huo, watu hunywa kahawa ili kuwa macho na pia kuburudika.





Kwa hivyo, unywaji wa kahawa ulianza nchini Ethiopia na kuenea ulimwengu mzima!

